

جریدہ علیہ

مشیخت جلیلمہ اسلامیہ نمک جریدہ رسمہ سید

ربیع الاول ۱۳۳۷

عدد ۴۱

آیدہ بر نشر اول نور

دوبئی سنہ

توبه

یا ایها الذین امنوا توبوا الى الله توبه نصوحا عسی ربکم ان یکفر عنکم سیئاتکم

ای اهل ایمان! جناب الله اوپله بر توبه ایدیکزه کناهر یکزه اوپله بر پشیمان اولیکزه که قلبلر یکزده تأثیری داٹما کورلسون ، سزه بیوک بر نصیحتی اولسون ، بلکه ربکنز قنالقلر یکیزی کفارتلر ، اورتور محو ایدر .

ای مسلمان نه اولدک ؟ نه اولدکسه نه ایچون اولدک ؟ سن بویله اولیه جقدک ، آتشلره یانیه جقدک . سن سنک روح عمومیکی توحید ایدن معبدلرک درد هجرانی ایله آغلامیه جقدک ، داغلامیه جقدک . انسانز دین بشر کومه لرینک غیظلری ، هتانلری حقارتلری آتنده ازمیه جقدک . سکا ظالم ، غدار ، جاهل ، سفیل دینلمیه جکدی . سکا اولادینی بوغان ، قارده شنی بوغازلایان جانی ، خائن معامله سی یاپلمیه جقدی . سن استخفاف ایدلمیه جقدک ، آچ جیلاق قالمیه جقدک ، آچلقدن اولیه جقدک دنیایه نشر نور ایدمک ، انسانلق اورنکی اوله جق ، عدالت صاچا جقدک ، حیانتک یوکسلدکنه ، روحک نازکلیکنه عالم مفتون اوله جقدی : حیات عمومی بشر ، سنی کنديسنک الک بیوک دیرکارندن بری بیله جکدی . سن صارصیلنجه عالم صارصیله جق . سن ییقیلنجه عالم ییقیله جقدی . جاهلرک اصلاحنه ، مظلوملرک فریادینه ، ظالملرک تنکیلنه قوشا جقدک . یوکسلدکجه یوکسله جک ، ابدی سعادت کوره جقدک . سنک سایه یوکسلمش اولان روحک ، عالمه اورنک اولمق ایچون یارادیلان وجودک نیچون صولدی ؟ نه یه یپردی بیلیورمیسک ؟

بیلیرم سن بوسؤالیه قیسه بر جواب ویروب کچمک ایسته یه جکسک « نیچون اوله جق کناهم جوق ، قدرده بویله ایش « دییوب کسه جسک .

قدر . . . اوت مقدر بویله ایش ، طوضری بر سوز ، جدی بر تسلی . . . فی الحقیقه بیوک ، بیوک بلهرک طوتوشدر دینی الم آتشلری ایچنده یانان یورکلر ، هیجانندن اضطرابدن شاشیرر عقلی ، فکری ، کنیدی طوبلایاماز ، طوبلایامینجه ده کنیدی آتشدن آتسه آتار . خلاص ممکن ایکن جابر ، جابر یانار . بر بلایه اوضه یان کیم

بر بلایه دها کیرمک ایسته منسه - آجیسی نه قدر بیوک اولورسه اولسون - بصیرته صبر و سکیته آیشمیدر. عالمده وقعه لرا کثرتا بر برینه بکزر لر ، بکزه مگله برابر هر وقعه ینه بروقه در ، بر کره اولمشدر . اولانک باشقه درلو اولماسنه امکان یوقدر . امر واقع ، امر واقعدر . مثلاً سن دنیا به کلمشک همده کیده جکسک ، فقط نه یاپسه کله مش اوله مازسک . باشک یارلمش یارلمشدر . انشاء الله ایلروده قولایجه اینی اولور ، فقط اینی اولمله یارلمش اولماز ، یارلمش کی اولور . بونک ایچون باشک یارلمه دن دوشون یارلماسنه چالیش . یاریلنجه ممکن اولدیقی قدر کندیکی طویلامایه باق ، باق که تداوی ایده سک . مادام که یارلادی ایلک ایشک قدری کورمک ، قدرده بوده وارمش دیوب کندی ایچکدن ، کندی روحکدن کندی که بر متانت علاجی ویرمک اولسون . بوعلاجی ویرکه آجیلر دوام ایدر کن سن شایر مه دن تداوی به باقه بیله سک .

ایشته بوکون بیوک بیوک المار ، آجیلر آلتنده یانوب کول اولما می ایچون ایلک تسلی قدره ایمان اوله جفندن بنده سنکله برابر : اوت قدر بویه ایش ، دیرم . ذاتاً بویه اولدقن صوکره بویه دکل دیمک یلانجیلقدرد ، مشهودی انکاردر . فقط شونی بیله لم که نرم ایچنده بولندیغمز ایشلرده قدرک مسؤل یینه سنکله نیم :

بوقارا یازیلری آلمزه یازان ازل قلمی بویه یازدینی ایچون بویه اولمدی . سنکله نیم کناهلر صردن ، وظیفه منری بیلیمک و یاقمده کی قصور لر صردن دولایی بویه اولدی . بویه اوله جغنی بیلدی ده ازل قلمی اویله یازدی . علمانک دیدیکی کی قدر سنک دکل سن قدرک پیشیداریسک بونک ایچوندور که قرآن الله یاردم ایدر سه کز الله ده سزه یاردم ایدر دیور (ان تنصروا الله ینصرکم) . جناب الله یاردمه محتاجی ؟ حاشا . لکن کندی ایشکه سنک کندینک باشلامسینی ایستور هانی یکی چیمه برلاف وار : مقدراتی کندیسی تعین ایتدی دیور لر . بونی یابانه آتمه . سکا بکا وقوعاتن اول سرمدر ، قاپالیدر ، مجهول و قرا کقدر . بز قدری وقوعندن صوکره آ کلارده قدر بویه ایش دیرز و اووقواته سبب ینه بز اولورز ، اویله اولدیغیچون مقدراتیمزی ده بز تعین ایدر ، عالمده بز آ کلادیرز . بویه اوله جغنی ایچون ازلده ده اویله یازیش بولور . بناء علیه سن نه یاپاررسه ک قدرک اودر . بوندن دولایی نه وقوعندن ، شیوعندن صوکره آ کلایانلر مسؤل ، نه ده وقوعندن اول بیلوب یازان قلم ازل مسؤل ، مسؤل آنجق سنکله نیم . چونکه کناهی یابان سنکله نیم . اویله ایسه

صوردیقم سؤالره، نچونلره جواب اصل برنجی سوزئدر. نچون بویه اولدق؟ طوغریسی کناهمز چوق اولدیفیچون.

بیلیرسک که کناهلرینی اقرار و اعتراف ایمان شیطاندر. شیطانلر خایر بزم کناهمز یوق دییه کبر و عناد ایده طورسونلر. بز شیطان ایتی اولان حیا سزلره خیر سزلره باقیهلم. ائی اولغه، اییلری چوغالتمه چالیشهلم. کل سنکله بز شو مصیبتلردن عبرت آلام. کناهلر منی بیلهلم. توبه کار اولهلم. اوقدر جدی توبه کار اولهلم که کناهلریمزی، کناهلر منک ضرر لرینی ادراک ایدن قلبلر من، ندامت لریله صیرلایه رق، استقامته یونسون، رحمت الهیه دخالت ایتسون، ان شاءالله توبه قابوسی قاپانماشدر.

اگ بیوک عبرتله، اگ بیوک مصیبتلردن آلینیر. مصیبتک تأثیری، نصیحتک تأثیرندن بیوک اولدیفی بیلیرسک. مصیبت ایله نصیحت بر لشنجه البته دها بیوک اوله جق. الهیک کورتردیکی هدایت یولنه کیده مدکسه، وقتیله نصیحت دیکله میوب اوله جقلرک اوکنه کچه مدکسه، حاصلی قدر منی فنا تعین ایتدکسه بو کون کورینن فلا کتلی کوز اوکنده طوتهلمده بونلردن چیقاجق عبرتلی، نصیحتلی اونوتیمهلم، قدر منک ایلروسی دوزلتمک، جناب الهیک لطفنه استحقاق کسب ایتمک چالیشهلم.

زمان کلیر که بو کونلر ماصال اولوره بونلری ماصال دییه دکلین، عبرته کوز یوموب قولاق صیقان ده بلاسی بولور. سن ایسه کوردیک فلا کتلی ماصال صایا مازسک هم صایمه، آجیلرینی اونوتیورمه، فقط باییلوب کندیک ده قویسیورمه. اوک یاندی، اوغلك شهید اولدی، قومشوک آچلغندن اولدی، مملکتک تارمار، ملتک هدف غیظ و نار اولدی. سن ابتدا بر آز چابالادک، بیوک یوکله تحمل ایتک ایسته دئ، چونکه علوی دینکک یوکسک روخندن بر بقیه احتساسک واردی. معلوم یا، دین، میوه لی بر آغاچه بکزر [۱] کوکی ایمان، دالری بوداقلری، فرضلر واجبلر، یاپراقلری ده سنلر و نافله لر در. کوریورسک یا کوکی ایمان، کوکی قورویان اغاجک یا شارمسندن، میوه ویرمسندن امید اولمادیکی ایمان سزک فلاح بولمسنه ده امکان یوقدر. لکن یالکز کوکده ده میوه تمز، دال بوداقدن لازم، بونکله ده اولماز، یاپراق دخی ایستر. دیمک که دینک میوه سی سنلر نافله لر ایله یه بیله جکدر. بونک ایچون درکه (لا یزال العبد یتقرب

الی بالنوافل) حدیث قدسیسی اوقورلر ، قول الله نافلة لرله یا قلا شیر طور رمش . ایشته عملی اولماقله انسان کافر اولماز ، عمل ایماندن جزء دکلدر ، دییه علم حاللرده بیلدیگک مسئله نك مغابی بودر . فی الواقع یاراغی دوکولمک ، دالی بوداغی قیرملقله ، اغاج یوق اولماز ، کوک صاعلام اولدقجه دال بوداقلده ، میوه ده بیته بیلیر اما بو کون بتمک بشقه ، یارین بیته بیلیمک ینه باشقه در . دال بوداق بتمدن ، یاپراق آچمه دن میوه بتمدیگی کی قوری ایمانک ده میوه سی اولماز ، دین ایله مراده ایرمک سندن بکله نن بتون عملاری یا بقله اولور . کرچه سنده بو کوک قوروما مشدی . فقط سن کندی الکله دالنی بوداغی اودون ایتمک ، صوکره صولایوب ، تیمار ایتمک ، قورومدک ، دینه قورد دوشوردک . تام بو صروده صوک بهار کی اودته لق بر نملندی . او یرآلنده کی کوک برآز یشردی ، بر ایکی فیلز ویرمک ایستدی . نه چاره که قاسم فورطنه سی چابوق چیقدی ، دیننده کی قوردلرده قاینادی . بناء علیه میوه آله مدک ، روحکده بقیه احتساس ، فیض بوله مدی ، سوندی . سنک کندیکه بیله خیرک قالمادی که باشقه سنه اولسون ، باشقه سی ده اولیه ، یوق اوکله دکل ، سن یارم اکک کوزلرکن او چلوب قایماسنی دوشونویوردی . قوم قومک ، مملکت مملکتک ، محله محله نك ، جان جانک رقیبی کسلیدی . صانکه الک قولک سندن قومیشدی . آغزیکه کیده جک ، صوکره کندی نه ده بسله یه جک اولان انقه کی الک اغز کدن قایبور ، یارده سنه مرهم یاپیوردی . سن که بو آجیلری طاندک ، بو تجربه لری کوردک . صاقین کوکی قوروتمه ، قوردینی آیقله ، قلبکی تمیزله ، هر نه فیلز صاله ، فیلزیکه ایلک بهاره صاقله ، ایامک بهاری اولمازده صانمه ، قوروکی قورو ، باغچه کی اوکار ، میوه سی طوبلا یه سک .

ایشته سن ای مسلمان مصیبتلری ماصال صایماز ، عبرتی کوزکدن قاچیرمازسه ک حقه قارشو وظیفه کده کی قصوری آکلامش ، صوکنی تجربه ایتش اولورسک ، بو تجربه نك حکمی ازبرلر ، اولادیکه ده ازبرلیرسک ، استقبالیکی تأمین ایتش بولورسک ، کنهالریکی طایر عقیده کی قوتلندیرر ، کوزل عمللرله ، خبرلی املره عزم ایدرسک دوشمکله مأیوس اولماز ، الله دن امیدیکه کسزسک ، فلاکتلریکی کفارت بیلیر ، آخرتکی قورتارمه چالشمش اولورسک .

شونی ده بیلیمسک که هر کنهاک کفارتی بر ، جزاسی بر دکلدر : کفارت یمین ، کفارت

صومه بکنزه من . دیمک بونلرک عذابلریده بر برینه بکنزه میه جک . ننه کیم چالیشمایان
آج قالیر ، دوست یاردجی قازانیمان پریشان اولور . جاهلار تهلیکهیه ، خائشر ، ظالملر ،
عدل وانتقامه دوشر . دیمک که کناهم چوق توبه لر اولسون دیمکه ایش بتمیه جک
هم کناهلری میزی بیله جکزه نفس میزی محاسبه ایده جکزه . هم هانکی کناهک هانکی جزایه
چارید ریضی ده آکلامقه چالیشه جغز . و بویله جه مقدرات میزی تهین ایده جکزه . کل سنکله
قونوشلم . کناهلری میزه برکوز کچیره لم ، فلاکت مزک باشی اولان کناهی بوله لم ، اوکا کوره
توبه منزه باشلا یه لم ، حقدن اجر ایستیه لم .

ای مسلمان لافم سکا اولماسیدی کناهک باشنده ایمانسنلری صایاردم . لیکن بن
سنکله قونوشیورم . سنک نیم کناهمزدن بحث ایدیورم . شمدی سکا بتون ایمانله سویلرم که
کناهمزه باشی جماعتسنر لکدر . سنی بی اخلاقسنر ایدن ، یاردمسز ، قوتسنر براقان بیوک
بیوک عمللردن ، امللردن آلیقویان ، هوا وهوسنه قایدیرونده سفاهتله ، رزالله غرق
ایدن الهی اونوتدیروب ، شوکا بوکا بیون اکدیرن ، جماعتسنر لکدر . دینلر ایچنده دین
اسلام اک اجتماعی بر دین ایکن ، میلیونلره انسانلری مبارک بر وجود کی حرکت
ایتدیره جک بر روح ایکن مسلمانلر قدر اجتماعی ضعیف ، فعالیت اجتماعی دن محروم ،
مراقبه متقابلدهن بی خبر یاشایان ملت کورلیور ، بو اک بیوک کناهی رلق سکا باشقه
بر کون ایضاح ایدیم .

دارالحکمة الاسلامیه فقه انجمنی اعصانندن

محمد محمدی

استمرار

قرآن عظیم الشانک حاوی اولدوغی بونجه احکام وحکم عالیدهن بشقه بر سنت الهیه
اولمق اوزره دائماً آرز بر تفاوتله تکرر ایدن حیات بشرک صفحات متعاقبه سنی کوسترن
قسملرده نه درین عبرتله مندرجدر ارباب صلاح وحسن عاقبتلی ، اهل فساد ومأل
شقاولتلی ، ظالملر وهلاک محققلی ، مظلوملر وخلاص موققلری ، پیغمبران عظام
وهضم آهنیلری ، فرعونلر وجزای تجبرلری والحاصل تظاهرات بشریه دن هان بر شی
بولماز که اک موجز ومعجز اسلوب ایله قرآن کریمده اسرار ومداریله تصویر ایدلش
اولماسین . کتاب مبین عرشدن ، کرسیدن ، سمدن ، آفاقدن غایت عبرت آمیز بر